

玉女雙雙持紫詔名曰方號喚真人金光罩  
體人難視節制儀威左右行仙鶴接引朝元  
去白日飛昇謁上京

破迷正道歌

二篇同卷

太玄朗然子進道詩

了明篇

卷二

太玄朗然子進道詩序

余乃生居漳水業本豪家幼習儒風曾叨鄉  
貢嗟浮世速如激箭傷時光急若瀑流未免  
退跡玄門棲心冠褐外丹達恍惚杳冥之音  
內氣明泝流胎息之源功勳未及於旬年人  
驚不老壽算已踰於五紀自覺如斯有此靈  
通故難緘默謹吟三十首號曰朗然子詩呈  
同道望迴心聖意非遙人自疑惑時末端拱  
戊子歲季冬住洛京通玄觀內偶興述之朗  
然子書

太玄朗然子進道詩

劉希岳秀峰述

落魄洪孟數十年朝朝恣性日高眠尾闕通  
得泥丸穴丹竈能分造化權只此雲霄應有  
路算來人命豈由天莫言大道人難會自是  
頑夫不學仙

南北經遊數十春潛行玄理暗修真不求世  
上無窮物只向寰中費箇人外藥已知消息  
火內丹常運泝流津假饒千載重相見也似  
如今貌轉新

京洛幽閑寂寞中住居古觀古塚東俗情亦  
染心無染塵事雖同道不同煉藥豈辭千日  
苦運精常運四肢通世間最貴真堪重除却  
人身總是空

求仙之士亂紛紛涉歷山川走似雲總學長  
生尋外物算來至道未嘗聞身中自有昇天  
路背上誰無出世紋堪歎凡夫全不悟盡甘  
荒野作丘墳

豈貴榮華豈重財堪憐身向此中來丹田自  
種留年藥紫府常然不死灰髓實已無寒暑

卷二

一

卷二

二

近道成豈怕曉昏僅傷哉世俗孜孜過逐利  
爭名性轉呆

兀兀陶陶是事休花開花謝任春秋金章紫  
綬從他貴布素冠裳幸自由壽命須同天地  
永身心閑共水雲儂堪疑太上玄元祖何故  
人間早白頭

一居京洛十餘春未肯閑趨富貴門攝養不  
教元氣散修行常違谷神存飢餐古下津還  
飽寒發丹田火便温取性自怡兼自樂且無  
慙色感人恩

今生不悟望來生據筭來生甚處明爭似便  
修天上路何須更入地中坑陽魂若壯非干  
壽陰魄如強必致憂百草經霜皆盡死緣何  
蓋履鎮長榮

本親儒墨擬求官忽悟幽玄道不難陰氣若  
消終未死陽精如在自然安身中每運無窮  
藥鼎內常燒續命丹堪數慕財食色薰煎熬  
終日有多般

世間萬事不堪論唯有身形與氣存金鼎會  
燒延命藥丹田解種駐顏根每承大道岳麻

廢肯受常人取次恩已絕榮枯無玷累却愁  
白日出乾坤

小隱居嵩大隱鄜立身偏愛關中閩心澄瑩  
若天邊月意穩安如海上山常遣眼前無怒  
色自然臉上有童顏更能通得泥丸穴何必

### 驅驅煉大還

自說玄元旨趣深何曾解問自家心三田氣  
若相通貫二竅循流咽不禁泛海經年搜命  
藥求仙觸處走山林爭如向己身中覓便見  
希夷道易尋

僻居古觀勝山居門掩荒苔馬跡疎靜室忙  
吞千口液幽窓閑却一牀書是非少為交知  
少貪愛無時榮辱無元元逐時隨分遇任他  
人喚作愚夫

鑄煉元精却返淳萬般為了始歸真若教愚  
者皆成道爭辨神仙是異人報効全由功滿  
日希夷不離自家身但能動運冲和氣便覺  
容顏轉轉新

少年苦節近文儒荏苒光陰六十餘得遇至  
人教學道便將性命託虛無髮因運氣蒼還

黑臉為存精繳復舒大要欲陪卿相位分中  
無了設驅驅

沂流直上至泥丸關節繞通便駐顏悟處如  
同觀返掌速時似隔數重山未明神識千般  
擾達了心田萬事閑若要長生兼出世到頭  
都在自身間

學道何須學執迷無為之理總須為氣吞根  
祖非呼氣飢却心腸不忍飢存得元精無老  
耄去除情慾似嬰兒更能曉得衝天穴定有  
逍遙出世期

求仙皆學採陰丹甚處交精去復還未及年  
餘多卧疾正當少壯改容顏陽魂漸滅終無  
悟性命將來似等閑若要延齡身住世存精  
保氣寂寥間

紫衣師號苦食求養氣燒丹總不修未及中  
年身已老正當強壯鬢先秋惺惺知有長生  
路元元甘隨逝水流本挂冠裳緣甚事爭名  
競利等閑休

自住凡塵數十秋縱然觀色恰如讎常行元  
氣滋容質每論丹砂問道流一種利名心不

羨萬般榮辱眼前休有錢多買五中酒無慮  
無憂有底愁

營憲十載望求名兩上春闈事不成有志無  
緣寸寸祿到頭有分學長生選官豈及選仙  
士暮色爭如慕道情但得容顏常悅澤昇騰  
必定在前程

聲名何在鎮寰瀛爭似潛修出世程強強燒  
丹終九轉勤勤運氣徹三清學成自有飛騰  
路功滿須歸物外行草爰榮華兼富貴自身  
堅固最為精

世人慕色及貪財亡命亡軀自此來熾風  
身運怕痛陽魂去體不凝猜一朝染疾醫無  
効萬種求神望克災若會運精兼保氣長生  
豈更掩泉臺

浮華休羨學三茅周易通來盡意抄因悟道  
情親至理便疎人事絕知交陽精每運無窮  
數玉液常餐不暫拋只候一朝功滿足會通  
玄鶴離凡集

盡求點化要肥家忘却形枯改處華暮色將  
身為弃物貪財輕命比泥沙口中解說修仙

道意內元來似夜叉此輩頑愚終不悟達人  
休要為傷嗟

禮拜燒香求塑畫爭如努力自修行動吞津  
液過千口長記存神聽五更莫失常規煩導  
引更須子細運元精雖然未得昇天去應有  
神仙錄姓名

休讀九經三史書與君到了不相於爭如保  
息元和氣未自躬親大藥爐存得陽精終濟  
老燒成金質定冲虛分明有箇長生路爭奈  
凡夫性轉愚

求貴貪財無盡期高官富極又何為爭如心  
靜忘機慮未勝身閑絕所疑敢枕任從春日  
來運精不遺鬚毛兼他年物外相逢處元是  
神仙別有期

真鉛真汞不難尋自是凡夫錯用心月魄日  
魂明甚易木精火候理運深苦辛運藥須三  
載變化通靈點五金出世只消餐一粒蓬瀛  
崑崙盡知音

夾脊雙關至頂門修行徑路此為根華池玉  
液頻須嚙紫府元君道上奔常使氣衝關節

透自然精滿谷神存一朝得到長生地須感  
當初指教人

朗然子者昔唐道玄觀主也事跡靈異修  
鍊非凡隱世百載至宋端拱年於桃花坊  
白日昇天矣初賜改名集真觀有神仙悟  
道詩三十首行於世

太玄朗然子進道詩

○